

畿

輔

安

瀾

志

畿輔安瀾志

洋河卷上

原委

洋河卷下

附載

隄防

橋渡

祠廟

水利

畿輔安瀾志

洋河卷上

原委

洋河有三曰東洋河曰西洋河曰南洋河東洋河原
出萬全縣漢曰寧張家口外西北雲頂壩名燕祿計河
古于延水也亦曰修水又曰長川

永經注于延水出塞外子元鎮西長川城南小山

山海經曰梁渠之山修水出焉東南流逕且如縣故城南地理志曰于延水出縣北塞外卽修水也

漢書地理志代郡且如于延水出塞外 一統

志于延水在天鎮縣北一名修水一名東洋河源出縣北邊牆外 方輿紀要長川在大同府東北

卽漢志于延水也 口北三廳志蘇祿計河源出

雲頭壩山內北流至小西溝逕胡神廟折而南過納冷溝與東洋河水合流入柴溝堡口壩樺皮嶺

東南流有頭道河二道河西北來合之曰合河

口北三廳志頭道河源出山西豐州衛包家營東
流至北槽碾溝與二道河合二道河源出張家口
西北壩外東流過石嘴子合頭道河與蘇祿計河
合合河頭道二道合流而爲東洋故名

謹案二河各長八九十里合河今土人呼曰各河
蓋音之訛也

又南流入東洋河口爲東洋河河側有萬丈崖

尹耕兩鎮三關志塞垣圖東洋河北口有萬丈崖
謹案河起雲頭壩西南流十里逕小西溝折西行
十五里至胡神廟又二十里逕達爾啤窟又西流
五里遶烏梁素太又西流五里逕納合溝頭道河
二道河合流注之一轉南流五里逕新廟上屈東
流又折而西流十五里逕小蒜溝又南流十里逕
牛家營又折西流十五里逕白石溝又屈東行五
里逕地上見又南流五里入東洋河口長一百十

五里

逕懷安縣北境東南流逕東洋河堡北

今廢

又東流逕

柴溝堡北

一統志柴溝堡在懷安縣北五十里東北至萬全縣四十里至張家口四十八里西北至洗馬林堡四十里東洋河在柴溝堡西北十五里

又東流逕北沙城南又東流暖泉入之

方輿紀要沙城在萬全左衛西北沙城暖泉在柴

溝堡東北八里其水冬溫夏涼資以灌溉

〔謹案〕萬全縣志

有溫涼泉似卽此泉今沙城堡東四里許有九龍泉水東南流入洋河而紀載無聞或好事者後以易暖泉之名否則堡側別無他泉足以當之

又東流紅草溝孫柴溝河注之與西洋河合

〔方輿紀要〕西洋河在今柴溝堡北百步紅草溝在衛城西北十二里又孫柴溝河在洗馬林西南十里下流皆注於西洋河

〔謹案〕畿輔通志東洋河逕柴溝堡西北合南洋河

一統志東洋河又東至堡東五里合南洋河皆非也

西洋河亦出塞外察哈爾東南烏爾河蒙古河蘇爾扎河諸水入焉名兆哈河古延鄉水也

謹按口北三屬志作延

非水

永經注修水又東南逕馬城縣故城俗謂是水爲河頭又東逕零丁城南右合延鄉水水出縣西山東逕延陵縣故城北俗指謂之琦城川又東逕

羅亭又東逕馬城北又東注修水

謹案此東洋河先入西洋河非

先入南洋河之証也

二統志正黃旗察哈爾駐木孫忒克

山在張家口西北三百二十里兆哈河在正黃旗

察哈爾東南六十里源出平地南流會烏兒古河

又南蒙古几河自西來注之又南蘇爾扎河

謹案是河

一統志不載惟正黃旗牧廠南有蘭溝扎河與烏爾虎拖羅海山所出之水會入邊城疑蘇蘭字形

相近或即定也

自東北來注之又南流從大同天鎮縣新

平堡入邊逕柴溝堡西北入懷來縣界爲東洋河

晉塞口北三廳志 蒙古几河在正黃旗東南一百
作西洋河是也

里源出平地 畿輔通志西洋河入東洋河卽古

延鄉水

南流自白陽口逕山西天鎮縣平遠堡北

二統志曰羊口在天鎮縣北少西三十里一作白

陽延鄉水在天鎮縣北邊牆外 畿輔通志西洋

河在懷安縣西北自山西天鎮縣平遠堡流入

方輿紀要平遠堡在新平堡東南四十里

又東流入直隸懷安縣北境又東流逕西洋一作河

堡南又東流逕渡口堡南

明史地理志萬全右衛西北有西陽河堡西南有

渡口堡〔畿輔通志〕西陽河逕西陽河堡南五里

〔方輿紀要〕西陽河堡在渡口堡西南十五里去

衛城八十里渡口堡在柴溝口堡西南二十里

又東流逕柴溝堡北則有花山之乾沙河西南來注之又東流會東洋河與南洋河合

畿輔通志西洋河又東逕柴溝堡西北方輿紀

要花山衛西北三十里上有池歲旱不涸謹案乾

於口外者不一花山之泉志有靈潭之目則所爲乾沙河者不必定係此泉也

謹案延陵水水經注以爲逕延陵城北一統志延

陵故城在旗地是亦察哈爾正黃旗地也應劭曰

當城西北有延陵城一統志當城在蔚縣西北則

直大同府天鎮縣邊外地矣水經注以爲至大寧

郡北右注鴈門水一統志大寧郡城在懷安縣北

此西洋河會東洋河與南洋河合流處也又方輿
紀要西陽河在衛西北又引志云西陽河東南流
注於灤河亦曰西洋河在今柴溝堡北百步西陽
河既爲西洋河何又言注灤河耶疑灤河字誤也
南洋河亦在大同府北塞外鴈門古鴈門水也

〔水經注〕山海經曰鴈門之水出於鴈門之山鴈出
其間在高柳北高柳在代中〔一統志〕鴈門山在
陽高縣西北邊牆外 明使地理志天城衛南洋

河在北卽鴈門水也東入宣化府西洋河堡界

東南流自車石溝口入邊逕陽高縣之守口堡南又東流逕天鎮縣之鎮門鎮口瓦窯永嘉諸堡南

方輿紀要守口堡在陽和衛西北十五里鎮門堡在守口堡東二十里鎮口堡在陽和衛東北六十里
二統志瓦窯堡在天鎮縣東北三十里永嘉堡在天鎮縣東北四十五里鴈門水又東流入天

鎮縣界

又東流入直隸懷安縣西境之李信屯北歷兩山間
二統志鴈門水又東流入直隸懷安縣界 明史
地理志懷安衛西有李信屯堡 方輿紀要李信
屯堡在懷安衛西北四十五里西去大同永嘉堡
十里其地有兩山對峙爲宣大兩鎮交錯之所當
瓦窯口之衝雲頭山在懷安衛西南三十里其相
近者曰虎高山崖畔水山盛暑結爲冰柱隆冬反
釋亦天地之異氣也

又東流逕田家庄黃于溝又東流逕花山之陽又東
流逕花堡又東流逕西灣堡又東流逕水湖屯又東
流逕柴溝堡南則有神泉水今日水溝口河合陽門
水託台水海眼泉柳河水塔兒泉紅塘河紅桃溝水
入之又東流與東西二洋河合自是以下通謂之洋
河亦曰燕尾河

水經注鴈門水又東北入陽門山謂之陽門水與
神泉出葦壁北水有二流俗謂之比連泉又東逕

三會亭北又東託台谷水注之又東有修水注之
卽山海經所謂修水東流注於鴈門者也自下亦
通謂之于延水矣

謹案水溝口河源出山西天鎮縣西南平地泉東
流逕榆林口南又謂之榆林川又東流入邊逕新
平堡北又東北流入直隸懷安縣西南境三十里
之馬水溝其西爲平頂山東北流十五里逕水溝
口山下爲水溝口河山有託台谷水水側有託台

亭

養水經注涉門水當爲雁門水也中泉水託台谷水則明是二水又神泉水出葦壁北水有二

流俗謂之北連泉是比連泉卽神泉也寰宇記隋圖經云神泉經北連羊門泉水一名託台水以比爲北誤陽爲羊混託台神泉爲一水一統志仍之謂水溝口河卽託台谷水皆非也西有海

眼泉水入之

畿輔通志水溝口山陽有海眼泉

折北流逕城西隅

分爲二支繞城西北出則有柳河西南流入之

又有鎮川河水自西南來會爲一支繞城東北出

逕龍王堂南

畿輔通志水溝口河折北至懷安西北合柳河水又東北逕城北方輿紀

要云柳河亦東流入於西洋河是又以水溝口河爲西洋河矣誤又鎮川河在懷安縣西自山西天

鎮縣流入逕枳兒嶺下又東流入於柳河一統志
枳兒嶺在懷安西三十里山山西大領縣接界天
河在天鎮縣南一里流至城北常泥濘不易過
輿名考鎮川河自來紀載無聞疑卽此天河也又

東流合爲一逕舊懷安南則有塔兒泉水自南來

入之

淑女縣志縣東南十五里泉傍一古塔高四丈餘內有番書泉水下出

又東流

逕紅塘山又名紅塘河

方輿紀要紅塘山在蔚全左爲南十里下有紅塘河

東南流逕三十里店又東南流逕太平莊又東南

流逕夏家屯又東南流逕喬子溝又東南流逕下

菓園又東南流逕左衛城北則有紅桃溝水自南

注之紅桃溝疑卽東草溝懷安縣志東草溝在縣西南又周逕其城東曰

東河又東流入南洋河

方輿紀要云東河在萬全左衛東一里源出葛峪堡

之柳溝與洋河合非也水溝口河與柳河合於縣城北又東流逕左衛東曰東河水經注所謂混溝東注者也柳河豈卽爲東河之源耶又葛峪堡之柳溝下流爲柳河川亦非此柳河也又明史地理志萬全左衛元宣平縣屬順寧府北有洋河西海子自西來入之考西海子疑卽海眼泉於縣治西南卽入水溝口河安得至左衛城始合左衛城去今縣治幾四十里今城北所入之水爲紅桃溝非西海子也又水經注神泉水入雁門水則水溝口水當入南洋河方輿紀要以水溝口水入西洋河也

又案三洋河合流於柴溝堡東七里爲燕尾

河方輿紀要西洋河在柴溝堡北百步東洋河在
堡西北八里南洋河在堡西南五里至堡東七里
而合如燕尾然俗謂之燕尾河是也明統志以保
安衛南桑乾河洋河合流如燕尾然故名非也燕
尾河旣以三洋河合流得名則旣合之後可通謂
之洋河亦可通謂之燕尾河此洋河之在保安者
亦得燕尾之名不必係乎桑乾也

又東曰會河川亦曰澮河舊有澮河堡今廢

二統志會河堡在懷安縣東北萬全左衛西卽東南二洋河合流處也

又東流入萬全縣西南境之暗莊屯南與懷安縣東北分境

萬全縣志東洋河自暗莊屯合南洋河入縣境

又東流逕南忻屯舊宣平廢縣也又東流逕陽門屯故陽門縣城也又東流逕第十屯又東流逕第九屯北直李元莊又東流逕第六屯北直水莊屯則有新

河口之新河水自北來注之

卽東沙河之一支

又東流逕第

三屯北直新羊屯又東流逕北岸之龍池堡則有新開口正南泉合清水泉自北來注之

萬全縣志正南泉縣西北三十里新開口堡南四十步清水泉縣西北三十里新開口堡南六十步

謹案清水泉發源虞臺嶺

一統志虞臺嶺在萬全縣西北新河口東北十

里南流逕水溝墩入口折東流與正南泉水合泉

出小尖山

方輿紀要大尖山在萬全右衛東北六里又西北三十里有小尖山又南

流伏入沙中不見

又東流逕安家堡又東流逕倪家莊又東流逕南岸之第四屯又東流逕頭百戶又東流逕北岸之逕家莊又東流逕馬連堡又東流逕義興莊又東流逕太史莊則有洗馬林堡之西沙河合東沙河大水泉龍池泉諸水逕愛陽川來入之

謹案西沙河源出萬全縣西洗馬林口外

畿輔通志 葦麻

嶺在萬全縣西北七十里卽洗馬林也 萬全縣志 西沙河縣西七十里洗馬林堡西百餘步源出

塞外水有二源一曰西沙溝南流四里爲樺林溝又

南流五里逕上黃梁又南流三里逕杏園溝其長

十二里一曰東沙溝西南流五里爲青陽溝又西

南流八里逕白沙厓下口北三廳志白沙厓洗馬林口北十六里東西沙溝

河源出厓北南至浣馬林口合流入邊秋夏淫雨則奔流漲溢冬春則涸又西南流八

里逕大柳林又西南流二里逕紅崖兒溝其長二

十三里續宣鎮志又有大柳河大字河俱在洗馬林口外謹案大柳河卽西沙溝大字河

卽東沙溝折東南流逕鎮水臺合流入口以在縣西統

名之曰西沙河東沙河一名新河源出萬全縣西

北新河口堡外石窰子鹿尾溝

萬全縣志新河在縣西北四十里新

河口堡東發源塞外石古寺山 石古寺山在新河口北一百里今此水去口北十

六里自山下有一小泉南流爲鹿尾溝又南流六里逕張家灣又南流八里逕哈不氣兒又南流二

里入新河口外四十里卽屬工牧廠境與縣志石古寺山之文不令疑其上流已斷也 自鎮

河臺南流入口

宣化府志鎮河臺通口外土水路歸化城杏園溝等地方 又南

流逕西北紅寺洞

一統志紅寺洞在萬全縣西北新河口堡東南十里 分二

支一南流抵縣西南水莊屯入洋河一東南流合

大水泉龍池泉抵縣北門外

萬全縣志東北一里許上承大

水泉龍池泉諸水夏秋泛溢爲害知縣左承業請築堤捍禦水患少竭龍池泉在縣北五里大水泉

在膳房堡西北二里

謹案

大水泉發源野狐嶺

南流爲野馬川自神威臺東入口又南流逕孤山

西折而東逕永清堡屈南流逕膳房堡北又南流

逕三岔口堡南又南流逕得勝口西又南流逕石

溝堡王馬全縣

城東爲東洋河又東南流逕縣城南與西沙河會

逕愛陽川

方輿紀要愛陽河在炭山西北一十里深僅尺許中多浮草性涼宜牧萬全

縣志南炭山縣東南二十里一名徑頭北炭山縣

西北十里

謹案此川今已無水惟乾沙委地彌

漫四野夏秋水發橫流爲患亦不能

分引以資灌溉俗訛呼爲蔡洋河又東北逕大

史莊入洋河

又東流逕下官莊入宣化縣西北四十里之清水河
堡則有清水河古寧川水也自萬全縣張家口合獅
子溝毛克令溝太子河榆樹坪泉石窰泉驛馬圖河
夾沙河七慶兒溝格料溝大西溝諸水入焉

水經注于延水又東左與寧川水合

謹窰于延延鄉雁門三水

合流後通謂之于延

二統志清水河古寧川水也

謹案清水河源出萬全縣東北張家口外一百四

十五里雙盤道嶺

黃全縣志以爲卽鴛鴦湖疑卽遼鴛鴦泊非也方輿紀要鴛鴦

泊在靈州堡西北其水停積不流遼金以爲飛放之所口北三廳志盤道嶺在今龍門城濼外西北

張獨二廳分界處

西南流二十里逕獅子溝折西流有毛

克令溝水自北來注之又西南流十五里逕南山

窑又西南流五里逕白旗窩舖又西南十里逕太

平莊又南流十里逕東溝門又南流至頭道營則

太子河合榆樹泉入焉屈西逕駝鞍山北又西流

三十里逕中山溝有豪慶兒石窑泉自北屈東入

之又折西流十里逕地工兒又西流十里逕新營
子又西流逕石人山下又西流二十里逕烏喇哈
達則驛馬圖河東合格料溝西合七慶兒溝北來
注之迤南流逕先農壇又南流五里逕西店子又
南流逕水母廟北中有流泉
入清水河又南流逕孤石又南
流逕朝陽村又南流逕護城壩水洞自西店子會
北流二十里則有土井子乾水河入之又南流逕
張家口上堡東卽來遠堡也又南流五里逕張家

口下堡東舊堡也堡側兩山夾峙曰東高山西高山爲北口之巨防河自堡城東南流生金壩之水爲西溝太子河之水爲東溝合流下晉渡橋又南流逕高家屯又南流逕沈屯與宣化縣東岸之高廟子八角臺老雅莊分水又南流逕懷安縣許家莊與宣化東岸之小站堡分水又南流逕懷安縣東南腰站見入宣化縣清水堡與洋河合 又案獅子溝清水河泉水所導也源出雙盤道西南二

十里與毛克令溝合毛克令溝又東流二里許入

清水河太子河源出太子城東平地泉在張家口

外西南流三里逕太子城

口北三縣志在張家口東北一百四十里大白

陽口又西南流五里逕馬林子又南流五里逕三

道營亦名三道河又西南流五里逕二道營則有

榆樹坪泉

口北三縣志謂之正北溝在張家口東北一百二十里

東來注之

又西南流五里逕頭道營又西南流二里入於清

水河

鎮黃旗壩內地方距張家口十五里迤東自烏蘭哈達起東北至獨石口外迤西阿爾撒

蘭達壩止有山溝長一百三十里而至邊關北
至達壩寬二三十里不等有泉自山溝川分爲細
流之處蒙古呼爲古爾板果兒西南流百餘里至
三道營會爲一河又自烏爾哈達南流入張家口
此卽太子河所經之道蓋石窩泉水在張家口外
是處別無他水足以應之

口北三應志發源石窩村之北南流十里逕村東
謂之臺慶水

又南流十里逕臺慶兒迤西南流十里逕老雅莊
復東流十里逕大同營子折西南流十里逕紅旗
營子屈曲流二十里逕中山溝又東南流三里許
北洽太子河入清水河驛馬圖河發源張家口外

東北之嘛呢壩折西南流二十里逕三岔口復東

南流二十里逕兩間房又南流十里逕驛馬岡則

有格料溝河

口北三廳志源出張家口東北音喇溝西山下

自東北來注

之

于驛馬岡即入西口北三廳志謂至陶噏廟如台誤

又南流十里逕東牛

溝又南流十里逕寒慶廟又南流六里逕拜察亦

名拜察河

即驛馬岡河之下流

折西南流十里逕石嘴子又

西南流十里逕陶噏廟

口北三廳志陀羅廟在張家口北二十里今俗呼爲

廟

則有夾沙河合七慶兒溝之水

口北三廳志以拜察河源

出察漢拖落海嶺似誤蓋七慶兒西北來注之又

溝水也拜察河自以逕拜察得名

東流五里逕五嶺哈達即烏喇哈達入於清水河夾沙

溝源出張家口外正北之夾沙壩下南流十里逕

五十家子又南流五里逕嘛地營子又南流五里

逕察海托落嶺東與七慶兒溝水會又南二十里

逕陶嶺廟入清水河大西溝水源出張家口外西

北之生金兔壩南流十里逕土井子村西又東南

流十五里逕南天門又東流南三里逕河神廟又

東南流二里逕大境門又東南五里抵堡北護城
壩石洞入於清水河

又東流逕太平寨又東流逕二里半臺又東流逕沙
嶺堡北

宣府鎮志沙嶺在鎮西北二十里卽斷雲嶺今有
沙嶺堡

又東流逕膠泥灣又東流逕水灣臺又東流逕兩戶
莊則有張家口之水泉水流爲小清水河伏爲乾沙

河滙爲柳河川自北來入之

謹案小清水河在宣化縣西源出西北張家口堡

水泉山

畿輔通志水泉山在萬全縣東北張家口堡北四里

東流逕羊房堡

南

方輿紀要羊房堡在青邊口西南距邊十里接壤張家口

又東流逕青邊口

青山東麓

一統志青山在龍門縣西北青邊口八里

其相近曰南尖山

石嵯山水流其下西北曰馬頭山又東流逕青邊

堡口南

方輿紀要青邊口堡在萬全都指揮司西北五十里長峪堡西

折而南曰

常峪堡西有小尖山兔崖水界二壩之中南流之

口又東南流伏入沙磧曰乾沙河逕空心寺後匯

而成川曰柳河川

方輿紀要柳河川在萬全郡指揮司北三十里邊防考柳河

發源大白陽堡北二十里西流入常峪口 畿輔通志柳河川在龍門縣西一名柳溝 上府鎮志

柳河川葛峪口東三里 有泉南流成河 南流逕胡家寨又南流逕東

望山西望山

畿輔通志東望山府城北二十五里西望山在東望山西

又南流

逕平虎石逕東雨流遶北山寺

宣化府志北山在府北三里許有寺

又南流逕明開平王常遇春墓北有泉水注之又

南流抵北壩西南出逕城西又南入於洋河其一

支上流已斷近出府城西北逕朱家莊下流入於

洋河

口北三廳志小清水河源出小白陽口外熱草溝東南西流入常峪口考此水首起常峪

口東北三十七里之樺林子西南流五里逕四臺嘴又西南十里逕熱草溝又西南流四里逕松樹溝又西南流十里逕駝鞍山東南又八里抵常峪口堡入邊界此河自青邊口鋪官臺南流合常峪口之以鳳臺西南流入宣化縣東旺山分歸河川小清水二支小清水已無來源昔年河流甚盛今已敗

觀矣

又案清水之名不一發源虞臺嶺者爲清

水泉發源雙盤道嶺者爲清水河卽水經注之寧

川水也發源水泉山者爲小清水河舊志清水河

小清水河混而爲一誤又水經注之清有水亦曰

清水河詳見媯水又小清水河或以爲卽水經注

之延河據水經注黑城川水入延河畿輔通志泥

河合東洋河卽古黑城川水也

此因山海經修水東流注於雁門水

之文而直謂之東洋河亦未免滋惑

不言小清水河則小清水河非

卽延河也意延河之名當因子延水而得天津府

志謂于延水又爲延河疑是也又水泉山水流爲

小清水河非清水河也三廳志謂清水河至孤石

水泉河七慶溝二水合爲一河又以拜察河疑卽水泉河水又以水泉河出獨石口西北十里平地東南至獨石城南與沽水合考拜察河出察漢拖落嶺在張家口北六十里獨石城卽開平舊城沽水所入之清水河乃清穹水也因三水同有清水之名而水泉河轉無定繫疑皆誤也據方輿紀要張家口堡北四里有水泉山又云萬全右衛西北有紫岩有泉出焉宣化府志遂以水泉爲出紫岩

下而紫岩山紫石岩並列俱在縣西北而水泉山則云在縣東北則水泉非卽水泉山之水泉而紀要所云有泉出焉者原未嘗云水泉也畿輔通志水泉山直云在萬全縣東北張家口堡北則紫岩之水泉缺之可也

又東流逕黑臺橋下則有羊城子黨家溝安家臺乾沙河自西南入焉

謹案羊城子乾沙河在宣化縣城西南五十里東

北逕榆林兒與黨家溝之乾沙河合東北逕水泉

兒有水泉之水注之

一統志水泉堡在宣化縣南四十里

又東北逕

安家臺有乾沙河自西入之又東北逕黑臺溝浮橋東入於洋河

又東流迤南出宣化府城南又東流則有泥河古黑城川水也自龍門縣龍門關合後壩口乾河小白陽河松樹溝乾河趙川堡四泉鏃底湯修水池馬草溝東西葛峪口東西深溝乾沙河城河葛峪堡乾沙河

諸水入之

明統志洋河在宣府鎮城南五里 畿輔通志泥

河在宣化縣東十五里自關子口西南流四十里

合東洋河卽古黑城川水也

謹案泥河卽是黑城川水則其入洋河在

東西南三洋河既合之後何云合東洋河蓋因水經注于三水既合之後有自下通謂之于延水一語遂以爲入東洋河也不如糺要止云洋河爲是

謹案泥河發源龍門縣西南龍門關西山下卽龍

門溝也

方輿紀要龍門關堡在小白陽堡東南石北三廳志龍門溝張家口東北一百五

十里與獨石口交界逕後壩口乾河小白陽河南流入宣化

縣之張家莊又有松樹溝乾河由鎮衝臺逕趙川

堡流入

畿輔通志趙川堡在龍門縣西五十里西宣化府志趙川堡東至龍門關三十里西

至葛峪堡三十里南至宣化府治六十里

澤案

後壩小白陽堡俱在龍門縣松樹堡屬赤城縣鎮

衝臺即小

白陽口也

滙溫潢甘響四泉

龍門縣志溫泉在白龍門縣志潢泉在趙川堡

西南二里許半清半濁莫測其淺深周半畝其東南曰響泉水甚清冽夜聽有聲廟東有泉而甘

西南流逕殷家臺入宣化縣東北境斷流又西南

流有鍤底湯修水池之水出焉

方輿紀要湯池山在萬全都指揮東

六十里溫泉出焉一統志嫩底湯在宣府鎮東
六十里冬夏水溢望之熱氣氤氳修水池在龍門
縣西趙川堡東始有水常流不竭又西南逕古城
八里白廟堡內

兒浮橋下有馬草溝泉水西北注焉又西南逕關

子口是名泥河又西南流逕黑塞山宣化府志黑

里土石皆黑澤案水經注于延水又東黑城川
水注之水有三源出黑土城西北奇源合注總爲

一川是黑城川水以黑土城得名黑山
之土俱黑以泥河爲黑城川水是也 又西南流

逕李大入莊又西南流逕韓營兒又西南流逕韓

林兒莊又西南流逕買家灣又西南流逕卞家營

則有東西葛峪口乾沙河又西南流逕大堡子

方輿

紀要葛峪堡在萬全都指揮司北五十里 謹案
東西葛峪口乾沙河在宣化府城東北自東西葛

峪口南流逕下葛峪口又南流逕賈

家灣又南流逕大堡子入於泥河則有東西深

溝乾沙河 宣化府志東深溝西深溝在城東二十里 又西南流逕左家

營則有城河北來注之 城河在左家營東十八里西南流又南直孤山入於

泥河又西南流逕趙家營則有葛峪堡乾沙河入焉

葛峪口乾沙河在宣化縣東北境自龍門縣東北山下至圍子溝始有水南流逕上葛峪堡東民賴

以食用又南流數里即竭又南入宣化縣之范家莊又南爲東泡沙西泡沙又南逕小幔子又南逕

趙家營入泥河其西分一支上流已斷下流逕廟山又南流逕城關下無河形葛峪堡建於葛峪口北水從堡側南流者出龍門縣山泉自口內流出者卽出宣化縣界中其流皆斷續不常盈涸無定地皆沙磧水道亦難實指又西南抵前所堡入於洋河

又東流逕迎風塔又東逕湛家莊又東流逕辛莊又東流逕響水舖又東流逕燕然黃陽二山下又東流逕鶴兒嶺

〔保安州志〕保寧州一名塔山在州正西北二十里黃陽山之南卽宣邑燕然山也 一統志鶴兒嶺

在宣化縣東二十里

又東流逕上花園又東流逕金龍口則有龍門縣小白陽堡碾槽溝之乾沙河注之又東流逕下花園

宣化府志上花園在鎮城東四十里下花園在鎮

城東五十里 宣府鎮志碾槽溝在小白陽北

謹案碾槽溝乾沙河發源龍門縣小白陽堡東翠

屏山之龍潭

龍門縣志翠屏山龍潭小白陽東七里其潭蔭雨輒應 謹案錄輔通志

在趙川堡東北三十里潭水湧出南流一里卽淤 其西卽大白陽堡亦有

泉水南流轉東至碾槽口爲羊溝水

龍門縣志羊溝發源碾槽

溝流出小白陽堡卽蓋龍門泉水極多不下數十餘處俱無名皆涓涓細流行沙磧中間或里許卽

入地中伏流

一自小白陽西入宣化縣東李家堡一西

南自周家窑下亦入李家堡一自大白陽東入縣之張家窑西南逕下花園爲金龍口入於洋河

又東流逕雞鳴山下

亦作鳴雞山

〔金史地理志〕德興縣有雞鳴山山在鷄鳴驛北五里峻峭高聳俯瞰洋河旋繞如帶 保安州志在

東北二十里洋河繞其下

謹案水經注于延水又東南逕鳴雞山引史記謂代王姊磨笄自殺因名其山爲磨笄山每夜有野雞羣鳴於祠屋上故亦謂之鳴雞山又引魏土地記以馬頭山爲磨笄山曰未詳孰是則鳴雞磨笄馬頭止一山也

又東流逕保安州東之沙窩村懷來縣西之雙樹子小店子抵保家莊燕尾河至此始盡

燕尾河辨見前

入於

桑乾河

水經注于延水又南逕且居縣故城南其水又東
南流注濕水 方輿紀要鷄鳴驛堡在萬全都指
揮司南六十里洋河在保安州西南十五里自宣
府界流逕州城西南又東南入於桑乾河

謹案于延水爲東洋河延鄉水爲西洋河鴈門水
爲南洋河據水經注于延水卽修水先合延鄉水
後注鴈門水鴈門水出於鴈門山東南流積而爲

潭敦水注之敦水東又澁水注之二水無考又東
北入陽門山謂之陽門水與神泉水出葦壁北謂
之比連泉又東託台谷水注之此則皆在鴈門水
未合于延延鄉二水之先者也鴈門水又東修水
注之此則一統志畿輔通志據之以爲東洋河入
南洋河者也又曰于延河自下亦通謂之于延水
矣是則三河合流可通謂之洋河也下又云于延
河又東左與寧川水合又東黑城川水注之水出

黑土城入延河此則三河合流之後者也又東南
逕鳴雞山注於濕水此則洋河入桑乾也方輿紀

要孫柴溝河紅草溝則曰下流皆注於西洋河

本

作西水溝口河燕尾河柳河亦皆曰入西洋河泥

河則曰入洋河清水河東河曰合洋河西海子曰
入洋河不言東西南則以爲合流之洋河可知然
水溝口河卽神泉水當云入南洋河東西南三洋
河旣云合如燕尾然謂之燕尾河不當又云皆會

於西洋河意西洋河在中正流獨長故東南二洋
河皆會於此也則當云皆會於西洋河合如燕尾
然則詞意俱明矣然又云燕尾河亦在衛南自柴
溝堡流入界下流亦注於西洋河則又似另有一
燕尾河也不可解矣水經注於鴈門水下第云修
水注之既省去中間延鄉水又云自此以後通謂
之于延水蓋溯源竟委直以一水貫之極分曉一
統志既據脩水注鴈門之文謂東洋河合南洋河

是西洋河從畧矣又以東洋河在柴溝堡西北合
西洋河因通謂之西洋河則又以西洋河爲重也
不知洋河合流可通謂之洋河可通謂之修水亦
可通謂之燕尾河至於東西南則不可混也若東
謂之西西謂之南則入東者可謂之入西入西者
可謂之入南惑滋甚矣

畿輔安瀾志

臣王履泰恭纂

洋河卷下

附載

威寧海子在北塞外

方輿紀要威寧海子在大同府北塞下 山西通

志王瓊曰在大同宣府之間

謹案威寧海子在正黃旗察哈爾南八十里蒙古

名希爾池納林河七金河並注其中舊有威寧城
在其西南榆林城在其東南或以爲卽鴈門水所
出未知是否據其方位則近似也

北望淀在萬全縣北口外

金史地理志撫州柔遠有得勝口舊名北望澱

此澱今

無考

鴛鴦灤在張家口西北正黃旗牧廠東六十里

〔金史地理志〕撫州柔遠有昂吉灤又名鴛鴦灤

二統志鴛鴦灤張家口西北正黃旗牧廠東六十

里土人呼昂古立腦兒

謹案腦兒譯言海子

哈柳台河哈喇

烏蘇數水注其中元置集寧路於此 口北三廳

志案宣鎮志鴛鴦灤在雲州西北百餘里境外其

水停積不流自遼金以來爲飛放之所今考赤城

邊外實無此水又考職方朔漠圖鴛鴦灤在興和

北金史地理志撫州柔遠縣有昂吉灤又名鴛鴦

灤則明時所稱集寧海子今呼昂古立腦兒者明

卽金之鴛鴦泊也蒙古言昂古猶華言鴻鴈義頗
相類且昂古與昂吉字畫亦相近

大水灤在新河口外

口北三廳志大水灤在新河口外白城子東與和
城北土人呼爲伊克腦兒水與昂古灤相近伊克
華言水灤也

沙城海子在鳳凰山西南或云卽鴛鴦灤

口北三廳志按周伯琦扈從北巡後紀云自上都

三日至察哈腦兒由此轉西至懷脫腦兒猶漢言
後海也曰平陀兒曰石頂河兒土人名爲鴛鴦濼
國名其地納鉢曰遮里哈喇納鉢猶華言遠望則
黑也自是以往則屬興和路矣是懷禿腦兒與鴛
鴦濼相近其云石頂河土人呼爲鴛鴦濼者殆謂
大水濼與鴛鴦濼中閒相通之河也

白濼一名白海子在大同府北塞外東盡張獨二口
界

金史地理志桓州有白灤國言曰勺赤勒 方輿
紀要白海子在開平衛西南大青山之北亦曰長
水海子四望白沙呼爲察漢腦兒察譯漢言白相
近有苦水海子 一統志白海子在阿壩垓右翼
南三十里

謹案口北三廳志元周伯琦扈從北行紀察漢腦
兒猶漢言白海也水灤深不可測氣皆白霧北征
前錄過大伯顏山行數里遠望如水近則如積雪

乃是巖地又行十里過凌霄峯譯語凌霄東北達
開平白灤卽白海子金與元各因國語異名按其
方位實非有二續宣統志以爲在洗馬林及膳房
堡外者誤也惟是北征錄所載巖地稽其道里似
屬相近但扈從北行紀云水深不可測而北征錄
不言水則或者非此地歟抑當其過時正值風雪
乃未之詳歟又徧查輿圖自開平至興和其間水
泊皆有數有名固非別地可濶而北行紀云自六

十里店西南乃至其地今科多多等蹉地則在開平西北及正西耳其是與非不敢擬決姑備存之以俟博考今考白水樂方輿紀要以爲在大同府北一統志於大同府下亦載之則續宣志所云在洗馬林及膳房堡外非無說也特其地廣遠西接天成東界開平而興和在二地之中且察罕爾之名又因是深而起則固不可專屬一隅矣今洗馬林邊外有白海子西堰又方輿紀要白海子迤西

卽駱駝山明初李文忠自萬全出師北至察罕腦
兒地進敗元兵於此或以爲卽拔那山一統志太
僕寺牧廠南稍西明初爲開平西南第三又驛西
卽白海子據此則白樂之遼遠可知矣

甜水海子疑卽落黎樂也

口北三廳志按宣鎮圖說新河口外西北四十里
有甜水海子考其地在野狐嶺西北相距祇六十
餘里疑卽金史所謂落黎樂者也

洋城濼在天鎮縣北

謹案方輿紀要宋宣和四年金將斜也等出青嶺
瓢嶺期會於羊城濼襲遼主卽此

蓋里泊在興和故城西

金史地理志豐利縣明昌四年以泥濼置有蓋里
泊 一統志泥濼在蘇尼特右翼南六十里蒙古
名西巴爾台 一口北三廳志豐利廢縣在興和西
大同天成衛交界

狗濼亦曰鹽池

一金史地理志寶山縣有狗濼國言曰押恩泥要

元張德輝記行昌州東有鹽池土人呼爲狗濼

二統志鹽池在鑲黃旗牧廠東四十里 口北三

廳志鹽池今名達伯遜諾爾華言泡子河察哈爾

鑲黃鑲白二旗境迤東及北皆多倫諾爾所轄地

蓋卽今之狗濼也

魚兒泊在興和故城西

遼史本紀太平五年三月如魚兒濼其水一夕有
聲如雷越沙岡四十里別爲一陂金史地理志
柔遠縣有大魚濼卽此

韭河在阿霸垓右翼東南四十里蒙古名郭和蘇台
自阿霸哈納爾流入境經色几庫山西流入白海子
噶爾圖泊在阿霸垓右翼南一百二十里

金河泊在阿霸垓右翼北二十里蒙古名西喇烏素
渾圖泊在阿霸垓右翼東南一百十里

呼爾泊在阿霸垓右翼西南三十里

鶴壘斗勒泊在阿霸垓右翼東南一百三十五里

西喇布里都泊在阿霸垓右翼西南五十里

朱爾克額勒蘇圖泉在阿霸垓右翼東三十五里

赤泉在阿霸垓右翼北三十里

哈碧爾漢泉在阿霸垓右翼東北七十里

小紅池任太僕寺左翼牧廠東二十五里土人名巴

漢五藍池

科克烏素泊在大僕寺右翼牧廠北三十里

他拉泉在大僕寺右翼牧廠南三十五里

額布爾希巴爾台泉在大僕寺右翼牧廠西南四十
五里

利克布祿都池在鑲黃旗牧廠西北一百四十里

鹽池在鑲黃旗牧廠北四十里

搏羅紫級泉在鑲黃旗牧南廠四十里其東又有阿
祿十八兒台泉

布林泉在鑲黃旗牧廠西南四十里又西南十里有
布爾阿蘇台泉

哈畢爾漢泉在鑲黃旗牧廠西北六十里

查喜爾圖插漢池在正黃旗牧廠北四十里

希巴爾台河在正黃旗牧廠西七里源出漠莫得博
羅山西平地北流入查喜爾插漢池

布墩河源出正黃旗牧廠西北東南流至禮部牧廠
東北注插漢池河在牧廠西北九十里源出漠會圖

拖羅海山南平地東流入池

他爾斯泉在正黃旗牧廠東南二十里西北流入插
漢池

哈柳台河在正黃旗東南八十里源出弩蘇渾西喇
西寶台山東北流入昂古里池

蘭爾扎河在正黃旗牧廠南六十里源出伊克西喇
寶台山東北平地南流烏爾虎拖羅海山所出之水
會入邊城

鹽池在正黃旗牧廠東四十里

搜几泉在正黃旗牧廠南三十里

滾布爾克泉在鑲黃旗察哈爾西南一百二十里

大紅泉在鑲黃旗察哈爾東南一百三十里蒙古名
伊克烏藍

小紅泉在鑲黃旗察哈爾北一百二十里蒙古名五
藍泉與綠泥特右翼接界

苦水泉在鑲黃旗察哈爾西七十里蒙古名噶順

鹽泉在鑲黃旗察哈爾東北一百二十里蒙古名達
拍孫與蘇尼特左翼接界

七金河在正黃旗察哈爾西二十里蒙古名賀爾博
金源出賀爾博金山南流入希爾池

納林河在正黃旗察哈爾西北六十里源出正紅旗
察哈爾界內流入希爾池

納爾孫泉在正紅旗察哈爾北四十里東南流入正
黃旗察哈爾界爲納林河又東南注希爾池

弩里河在正黃旗察哈爾東南一百十里源出平地

南流入邊城

詳案此河入邊處及所合之水俱未詳

塔喇泉在正黃旗察哈爾西南五十里源出平地流入希爾池庫爾木池在正黃旗察哈爾北五十里

以上俱見一統志

石頂河源出伊克腦兒西北流注昂古里泊土人呼噶喇烏蘇河

十八里台河源出張家口西北壩外察哈爾正黃旗

地北流經戈拾哈馬廠又北過興和城東西流合波羅釵察布爾哈蘇太二河又屈折東北流入伊克納爾

波羅釵察河源出壩外正黃旗查哈爾饅頭壩西北山南西流匯布爾哈蘇河又北東流入伊克諾爾

波羅哈蘇太河源出察哈爾正黃旗境內青楊溝壩外北合波羅釵察河

水井在張家口外麻達葛山

〔金史地理志〕撫州有麻達葛山大定二十九年更名胡土白山上有水井

〔謹案〕以上見口北三廳志考噶刺烏蘇波羅釵察波羅哈蘇太俱爲灤河所經並詳灤河篇

七里河今無考

〔金史地理志〕撫州柔遠縣有七里河

蕎麥川今無考

〔宣化府志〕川去城一百八十里

海子

宣府鎮志在深井堡正南水無源泉衆川匯之中
深數丈周圍可十里許冬夏不涸亦巨浸也

謹案宣化府志兩鎮三關志宣府有西海子深井
有東海子此在郡西何以謂之東其西海子亦未
詳處所今考西海卽懷安縣東北之水下流入洋
河者也已見前

九龍池

一統志在宣化縣東九十餘里九竅湧出南流入
延慶州界

九女池

一統志在宣化縣南深井堡南四十五里

深井

明統志在宣化府城西南六十里深不見底

喬子溝左衛城管

虞嶺泉

萬全縣志源出虞臺嶺南流至黃家堡伏入沙中
謹案縣志又云紅寺泉紅寺洞南流至黃家堡伏
流或疑其卽是出虞臺嶺之泉據縣志虞臺嶺在
縣西北三十里紅寺洞縣西北二十里當是一泉
又清水泉亦發源虞臺嶺南流至黃家堡當是三
泉異源而同伏也

水泉在萬全右衛西北

方輿紀要萬全右衛西北五里有紫岩有泉出

宣府鎮志水泉出紫岩下

辨見小清河

靈潭

懷安縣志華山在西陽河堡東南十里下有靈潭

謹案畿輔通志屬萬全縣

車道溝在萬全縣西北洗馬林管

石門溝懷家城管

茨溝紫溝營管

海子溝紫溝堡口外東北三里

大紅溝膳房堡口外西北二十里

寬續溝洗馬林口外七十里

寺兒溝

〔兩鎮三關志〕寺兒溝在大白陽 〔萬全縣志〕雲泉

寺在張家口北賜兒山上泉二泓一上注曰噴玉

一側出曰鳳珠味特甘冽賜兒山在縣東南二十

五里張家口西又稱雲泉山 〔宣化府志〕山川寺

得名賜應作寺

分水溝稱達溝城守營管

大黑溝塔達溝深溝堡管

古城川在西陽河東北三十里

羅圈灣在西陽河口東北六十里

謙草灘西陽河口外四十里

德勝泉

〔昌平州志〕在鎮邊城常峪口西德勝寺山下流出

溪河

洪贊井

一統志在龍門縣東南長安堡西

冷泉今無考

一統志冷泉在懷安縣東北萬全衛城西三里

魚塘

保安州志在州正北五里曹官堡順治十三年堡

內地忽陷爲陂塘深遼不可洲州民負畧取魚爲

業今淤

沙城堡井在懷來縣南門外卽保安州屬之沙城堡
左井

〔畿輔通志〕在延慶州西北七十里元時鑿水極甘
冽

康濟井

〔宣府鎮志〕在萬全縣城北二里鑿石井於山巔極
澄澈

謹案萬全縣志尙有西鄉逸網家溝郭家溝劉家

溝羊圈溝北鄉大東溝正北溝連針溝萊山溝温
北家溝皆乾溝也

隄防

萬全縣護城隄一在城北東沙河西崖土築長一百丈後因河水衝嚙城根頽圯七十餘丈乾隆三年改建石隄一在洗馬林堡西沙河東崖亦石築乾隆六年建二隄俱長三百六十丈

來遠堡城東閘在萬全縣以蓄洩清水河之水明萬曆癸丑山西巡撫都御史汪道亨建

張家口護城壩在萬全縣乾隆間民築十二年總督

高斌加高三尺二十三年重修

宣化府志張家口上堡被水衝塌二孔縣令徐守
基詳請興修閣部高斌奏將水洞悉行拆卸打鑿
山嘴以順水流於水涸河乾時安設木柵防奸匪
出入并修大石壩一道長十七丈五尺北接大石
壩南接修竹絡回壩一道長一百六十丈口外民
修石壩一道長一百三十一丈餘因太卑復令加高
三尺以防水溢

洗馬林堡城西石壩在萬全縣以禦孫才溝河之衝
建置無考

宣化縣洋河南隄順治十一年建

惠民渠石堰

宣化府志一在尹官堡康熙四十二年知州楊汝楫建一在沙城堡明萬曆四十八年民人宗清宗惠宗興建

清河北壩在宣化縣

宣化縣志 河先有石壩數十丈迎城迤北斗口施
槽外以溉田內引入城灌蔬畦順治十一年推官
方畿同知陳經濟守道蔡興周修康熙六年隄潰
守道方端士修次年復決四十四年知縣陳坦白
道府南讓河岸丈餘另修藤萇隄十丈石工隄十
丈迤西隄一百十丈水遂安流四十六年藤萇就
朽復加修葺

柳河川壩在宣化縣川由北山寺繞郡城自北折而

西轉南入洋河大壩十五里險處用石次用磚乾隆十八十九兩年城北石壩衝圯全河奪溜貫城而下總督方觀承奏修

宣化縣黃河潤壩工詳議畧查宣郡西北大壩計長十五里三分上游支匯建瓴疊下其勢猛諸山關東咽喉穿狹其注急北岸依山地形處高南岸繞城地形處窪沙多而隄難固樹少而料不充故潰決易開十餘年間迄無寧歲竊以爲水急宜殺

其勢也小山東以上建玲瓏減水石壩疏鑿引河
此原議所有者小山西而下水出口之處北崖
山嘴直射河狹溜迅底穿輒陷鑿去山嘴高一丈
五尺長二十二丈寬三丈以拓面又鑿引河一道
長二百丈水發則兩岐分流不復傾注自下由北
而西而南凡有河唇水迫之處皆裁闢取直水以
緩而少力流以分而不急因勢利導可暫收其效
舊時石壩緣水刷隄根頂欹斜石縫破裂復緣隄

石壩磚壩皆砌鴈翅順水小石壩底用堅厚石條
上用河中巨石以拒爲護或四五丈或二三丈計
七道水不冲刷流緩而泥淤危隄可借以安向來
修隄臨河用磚石而背後用土查是間土少沙多
日久雨淋坑坎單薄則一面磚石無所藉以爲固
今皆築灰土以資保固新修一切土壩臨河水急
蕩漾卽隄河防例用秫稽掛柳今以柳圍柳編護
之木椿固之其尤險者柳圍後亦築灰土數年後

柳編去而灰土仍存也至栽柳爲河防良法今沿隄十五里遍栽柳樹俱已生活一望蔚然此外土埂卑者增之薄者益之皆無缺而不全之患寒冬僱人巡查以防偷竊枯損則補五六年之後材木不可勝用矣

趙川堡前後壩在龍門縣距堡十五里爲前壩距壩十七里爲後壩

懷來縣城河隄在城南門外當水溝口河之東西下

流乾隆五年知縣楊大崑請建東西石隄長一百八十丈土隄六十六丈

柴溝堡護城隄

懷來縣志一在堡城西南山舊有岫崙屯湟河一道引南洋河水下流日久沙淤水由西沙河橫決入城爲患乾隆五年知縣楊大崑疏濬通南河仍由故道復於河西建石隄一百五十丈一在堡城北門外有廟山溝大沙溝湟河無雨則涸雨則山

水衝注往往浸及城堡知縣楊大岷於乾隆五年
間挑挖並於河旁堅築土隄長二百七十五丈水
患以息

新保安北隄

懷來縣志北山水發州城時患衝決東路同知余
毓浩創築

土木堡河隄在懷來西南明建萬厯間重修

和合口壩在懷來縣西南桑乾洋河清夸三水合流

處也今廢

宣化府志乾隆九年大學士總河高斌建議以沿
河水勢迅急於懷來縣南桑乾洋河媯川三河匯
流之和合口動帑修築石壩二道各長十四丈寬
十七丈以殺下流曰玲瓏壩至十二年被水衝刷
壩存無幾後議修葺旋修旋塌十六年總督方觀
承飭委本管道府親詣查勘又檄委知縣吳文正
細查河內有無沙磧石底吳造五尺鐵錐編筏入

河探視盡屬浮沙並無石積舍筏登陸沿岸深入
二里許兩岸皆峭壁一線中流大石側立數寸勿
中檣橫木鋪板以渡如棧道狀是爲木板橋又里
許爲小板橋過此則沿河之徑絕矣約計木板橋
河身寬八九丈小板橋河身寬六七丈而河口築
壩處所除壩外其河身尚寬三十餘丈於是繪圖
具報謂築壩欲收束河流使不得直泄以移下游
之勢也今一路長峽峭壁天然闕束是有壩與無

壩等遂停歲修

橋渡

通橋一名普濟橋在萬全縣張家口東南清水河上
明萬歷二十八年建長二十五丈廣十丈一尺高一
丈八尺共七空

本朝順治間重修增長二十五丈共五十丈翼以石欄
蘇家橋在萬全縣東五里築土爲之長十三丈廣二
丈

洋河水橋在萬全縣東二十五里大師莊西南一里

長一百五十丈廣七尺每歲九月建四月拆

石嘴河橋在懷安縣柴溝堡南十里許

謹案此橋大水泉之所匯

也

新橋在懷安縣城東三十里跨洋河上明景泰五年建

普濟橋在宣化府城東五里洋河上

廣惠橋在宣化府城南洋河上明萬歷二十六年巡撫王象乾建後圯補以土橋復圯

本朝康熙四十四年口北道李發甲易以木

黑臺溝橋在宣化府城南里許跨洋河上

清水河橋在宣化府西門外康熙二十三年總兵閻

可權捐募修

謹案此爲小清水河下流亦入於洋河橋跨其上

北門橋在宣化府北門外順治十二年圯康熙十七年口北道李如桂重建

南關橋有三在宣化府南關內亦名得勝橋一在關

外又名承恩橋

東門橋一名報捷橋明成化中建

泥河橋在宣化府城東南十五里順治十五年建今

毀竊案今白廟堡西南有浮橋跨泥河上

普渡橋在宣化府城東二十里地名深溝明嘉靖年

間建

本朝康熙十七年民人重建

安家臺橋在宣化府城南三十里明山東巡撫張鳳

儀建

二十四橋俱在宣化縣城北門爲廣靈橋東門直西
爲安定橋南門稍北爲易平橋西門正東爲大新橋
儒學西爲桂林坊橋彌陀寺山門前爲虎溪橋朝天
觀東庵十字口爲東巷口橋舊府南巷爲南巷口橋
鼓手營關帝廟前爲鼓手營橋草場街東十字口爲
大橋大橋北十字街爲小橋小橋北丁字街爲丁字
橋其無名者一在丁字橋北首座寺東巷口一在玉
皇閣東草場西南隅一在書院西巷口西一在城隍

廟前一在城隍廟東真武廟前一在菜市街東真武
廟前十字口一在口北道舊署西一在撫院西赤脚
堂前一在鄧家巷口南一在油店街東十字口一在
盧家灣丁家口三教寺東

雞鳴山古橋在洋河

保安州石橋其在南關東關龍王廟魯班廟曹官堡
張家水磨二堡羅家莊楊官堡楊家壩惠民渠東濠
此爲頭堡大坑堰尹官堡俱康熙四十二年知州楊
樽橋

汝楫建一在沙城堡明萬曆四十八年民人宗清等
建

宣化府志按畿輔通志渠壩石橋在保安州境內
凡八一在城西十里莊所頭堡一在南門外關內
一在南門內渠上一在北關龍王廟前一在汪源
屯後一在城東南二堡一在城東北二里一在沙
城堡中西二堡水門內與州志不合

洋河茶坊浮橋

洋河圓臺浮橋

謹案二橋屬懷來縣境保安州志二橋不屬州地亦係州人春秋修建

祠廟

龍神廟在萬全縣城東偏明永樂五年建

本朝順治十八年重修

龍王廟在萬全縣一在西店子一在驛馬圖一在張家口深溝內

水母廟在萬全縣張家口北三里廟中有泉流入清水河

九神廟在萬全縣東溝門村

胡神廟在萬全縣洗馬林口外蘇祿計河董家窑土人傳爲司雹之神

謹案畿輔舊志以狐突廟爲祀龍神或訛呼湖濱而懷來縣志以狐突廟爲司雹神此胡神廟亦卽狐突廟也

喇嘛廟在萬全縣洗馬林口外新廟上

洋河橋龍王廟在宣化縣洋河上祀洋河之神

龍潭廟在龍門縣翠屏山康熙四十七年重修

祀功祠在保安州治西以開渠利民祀懷隆兵備道

吳哲栗祠

水利

龍池泉

畿輔通志在萬全縣東南得勝關內水清澈如鑑
南引入城可資灌溉

謹案通志本方輿紀要作東南縣志作縣北五里
德勝關在縣北三里龍池堡距縣四十里堡在縣
南水蓋由北而至南也

胡公渠

謹案此渠明萬厯間懷隆兵備道胡思伸所開胡
興水利所開渠道甚多此引洋河水者也 明來

復保安衛所開水田記畧胡公以副憲備兵懷隆
保安衛治西八里延袤一帶向有二渠公命工疏
濬又浚惠民一渠洋河水灌溉殆遍迤西東則其
地饒沙不足公稅士民陳請由雞鳴山西達於保
安境紆回五六十里抉壅濬淤遂又開田十萬餘
畝秔稻兼利比於江南魏哉功之烈也時萬厯四

十六年孟冬

惠民渠

懷安縣志亦兵備道胡思伸所築引洋河之水以
溉民田數萬畝皆成膏腴

謹案此卽張經世所開之渠而胡復濬之者也

洋河西渠

保安州志自棘針屯起下分爲二渠一至高廟村
止計十五里一至上太府止計十里康熙初年民

人開濬 宣化縣志 宣鎮西南二郊多開水渠在
西郊者間引清水在南郊者多引泥河之水水渠
民自開濬一方私據鄰壤每不得分潤是又未若
濬之自官利溥而惠均矣又隄壩之設可蓄可洩
所以收水利免水患也宣化各村堡有溝有渠惟
深井堡周圍一區四面山回中處窪地每至夏漲
汪洋淹沒通衢皆苦泥濘查前有海子望若巨浸
可以停蓄若相視堡之左右掘渠通洩或就旁耕

作稻田以收其利或按時啓閉亦有禱地方也

北平坡渠

中惠民渠

南惠民渠河南惠民渠

謹案以上俱詳桑乾河篇